

CYNGOR CYMUNED MANORDEILO A SALEM CYFARFOD 8^{fed} MAI 2019

Cynhaliwyd cyfarfod Cyngor Cymuned Manordeilo a Salem am 7.00pm ar yr 8^{fed} Mai 2019 yn yr Ystafell Ddarllen, Cwmifor.

PRESENNOL

Cynghorwyr Alun Davies, Kim Davies, Gwenfyl Evans, Hubert Gwynne, Peter Harries, Doris Jones, William Loynton, Owen Williams a'r Cynghorydd Sir Joseph Davies.

1. CROESO AC YMDDIHEURIADAU

Cymerwyd y Gadair gan y Cyng. Alun Davies a chroesawodd bawb i'r cyfarfod. Derbyniwyd ymddiheuriadau gan y Cynghorwyr Arwel Davies, Dorian Jenkins ac Andrew Thomas.

Cytunwyd y dylid ychwanegu'r Asesiad Risg fel Eitem Agenda 10A

2. CADARNHAU COFNODION Y CYFARFOD DIWETHAF

Cynigiwyd gan y Cyng. O. Williams, eiliwyd gan y Cyng. W. Loynton ac roedd pawb yn gytûn bod cofnodion y cyfarfod diwethaf a gynhaliwyd ar y 10^{fed} Ebrill 2019 fel ag y maent wedi'u teipio a'u dosbarthu yn gywir.

Arwyddwyd gan y Cadeirydd

3. DATGANIADAU O DDIDDORDEB

Dim.

4. MATERION YN CODI

4.4.4.4.11. Mynychodd un deg a saith o bobl yr hyfforddiant Cymorth Cyntaf Sylfaenol a Diffibliwr yn Ystafell Ddarllen Manordeilo ar y 7^{fed} Mai.

4.5.5xii) Hysbyswyd gan y Cyng. G. Evans ei bod wedi mynychu ei chyfarfod cyntaf o'r gweithgor i sefydlu Llandeilo yn Dref Dementia Cyfeillgar. Mae cyfarfod arall wedi'i drefnu ar gyfer 25^{ain} Mehefin.

5v) Adroddodd y Cyng. J. Davies ar ddigwyddiad i'w gynnal ar y 15^{fed} Mehefin pan fydd Sir Gaerfyrddin yn gwahodd Cymal Olaf Taith Merched OVO. Bydd y llwybr yn mynd trwy ardal Cyngor Cymuned Manordeilo a Salem a thrafodwyd syniadau ynglŷn â'r ffordd orau i ddathlu a nodi'r achlysur. Bydd y beiciau a ddefnyddiwyd ar achlysur taith y dynion y flwyddyn flaenorol yn cael eu hail-baentio a'u rhoi mewn mannau strategol; soniwyd hefyd am faneri ynghyd â threfniadau blodau ar gyffordd yr A40 gyda Heol Talylychau. Barnwyd bod Ystâd Beechwood yn lle amlwg ar gyfer parcio, gwylio ac ar gyfer gorsaf fwyd. Bydd y Cyng. J. Davies yn ymgynghori gyda Delyth Davies, Swyddog Cysylltiadau Cyngor Sir Gâr i gasglu gwybodaeth a chynghori ar ddatblygiadau. Cytunwyd y dylid galw cyfarfod ychwanegol os oes angen er mwyn cwblhau trefniadau.

Cyng. J. Davies/Pawb

10. Mae Mrs W. Phillips wedi ymateb yn cytuno i ymgymryd â'r archwiliad mewnol am ffi o £150.00. Cytunwyd yn unfrydol.

11. Mewn perthynas â Phanel Annibynnol ar Gydabyddiaeth a Lwfansau Cynghorwyr, mae'r Clerc wedi anfon ffurflen dempled ar e-bost at Gynghorwyr i'w llanw. Gofynnodd y Clerc i'r rheini sydd heb ddychwelyd eu ffurflenni i wneud hynny cyn gynted â phosib.

Clerc/Cynghorwyr

5. GOHEBIAETH

i) Hysbysiad Talu Cyngor Sir Gaerfyrddin (C.S.C.), rhandaliad cyntaf o'r Archebiant, £5,333.34.

Nodwyd

ii) C.S.C. Cais am ddata Cod Ymddygiad; Clerc i'w gwblhau.

Clerc

iii) C.S.C. Hyfforddiant Cod Ymddygiad. Cytunwyd y dylai'r Cynghorwyr J. Davies, H. Gwynne ac O. Williams fynychu ynghyd â'r Clerc. Clerc i gadw lleoedd gan hefyd holi i weld beth yw argaeledd Cynghorwyr eraill sydd heb dderbyn hyfforddiant dros y blynyddoedd diwethaf.

Clerc

iv) Cronfa Gymunedol Comisiynydd yr Heddlu a Throsedd.

Nodwyd

v) Newyddion Panel Heddlu a Throsedd.

Nodwyd

vi) Canolfan Therapi Bopath Cymru, cais am gymorth ariannol.

Chwef

vii) Ymddiriedolaeth Gofalwyr 'Crossroads' Sir Gâr, cais am gymorth ariannol.

Chwef

6. ADOLYGIAD O'R GYLLIDEB

Ni dderbyniwyd cyfriflen banc mewn pryd ar gyfer y cyfarfod.

7. GOLEUADAU

Dim i'w drafod

8. LLWYBRAU TROED

Dim i'w drafod.

9. CYNLLUNIO

Cytunwyd i'r sylw canlynol:

E/38751 Creu Ffordd o Golwg Y Dyffryn ar draws Cae i Fynedfa i Gerbydau sydd eisoes yn bodoli
Golwg Y Dyffryn
Llandeilo
SA19 7LD
Miss C Davies
Dim Gwrthwynebiad

10. YSWIRIANT

Mae polisi Yswiriant y Cyngor yn ddyledus ar y 1^{af} Mehefin 2019 ac mae dyfynbris wedi'i dderbyn gan Zurich, yswirwyr cyfredol y Cyngor, am £336.36. Clerc i wneud ymholiadau o ran yr yswiriant cyfredol ar gyfer diffiblwyr a'r gost o yswirio'r postyn lamp stryd am ddifrod damweiniol yn ogystal ag atebolrwydd cyhoeddus. Clerc hefyd i ddod o hyd i ddyfynbris arall ac i ymgynghori gyda Chynghorwyr gan fod y dyddiad adnewyddu yn ddyledus cyn y cyfarfod nesaf. Clerc

10A. ASESIAID RISG

Dosbarthwyd copïau o'r Asesiad Risg a Rheolaeth ar gyfer y Cyfnod 1^{af} Ebrill 2019 - 31^{ain} Mawrth 2020 i Gynghorwyr. Cynigiwyd gan y Cyng. J. Davies, eiliwyd gan y Cyng. P. Harries ac roedd pawb yn gytûn y dylid mabwysiadu'r ddogfen. Arwyddwyd gan y Cadeirydd

11. CYFRIFON I'W TALU

Cytunwyd talu'r canlynol:

i) Urdd Gobaith Cymru, nawdd i Eisteddfod Genedlaethol Llanymddyfri 2021.	£300.00
ii) Mrs Jane Davies, Cyflog y Clerc ar gyfer Mai.	430.00

CYFANSWM £730.00

12. UNRHYW FATER ARALL

- i) Mewn perthynas â'r llythyron ac e-byst yn annog trigolion i arwyddo i rwydwaith preifat ar lein am ddim 'Nextdoor Manordeilo and Salem', mae'r heddlu yn parhau i ymchwilio. Mae'r scam hwn ar fynd o hyd gyda gwahanol enwau ar ohebiaeth. Clerc i wneud ymholiadau gyda'r heddlu. Clerc
- ii) Adroddodd y Cyng. J. Davies bod £371.00 wedi'i godi hyd yn hyn i brynu diffiblwyr ar gyfer Manordeilo uchaf. Mae Gyrfu Chwist a Noson Bingo wedi'u trefnu ar gyfer wythnos olaf mis Mai, elw i fynd tuag at godi arian ar gyfer hyn. Cytunwyd y byddai'r Cyngor yn aros i weld y cyfanswm a godir ac yna trafod a fydd y Cyngor yn talu'r gweddill.
- iii) Derbyniwyd cwynion ynglŷn â changhennau yn pwyso dros y ffordd rhwng Capel Isaac a'r groesffordd gyda cherbydau yn gorfod gyrru yng nghanol y ffordd. Cyng. J. Davies i hysbysu'r Adran Briffyrdd. Cyng. J. Davies
- iv) Adroddwyd na chesglir bagiau sbwriel yn rheolaidd o amgylch ardal Comin Salem, rhwng Crosswell a Maesllyn a'r fynedfa i'r ffordd lle nad oes ffordd drwodd. Yr eiddo a effeithir yw Hafod, Blaencwm a'r byngalo gerllaw. Clerc i wneud ymholiadau. Clerc

Gan nad oedd rhagor i'w drafod, diolchodd y Cadeirydd i'r aelodau am fynychu a daeth y cyfarfod i ben am 8.20pm.